

Inatsisartut Suleriaasianni § 33, imm. 3. nr. 1 naapertorlugu Nunat Avannarliit Killiit Siunnersuisoqatigiiffianni Inatsisartut aallartitaasa siulittaasuata Josef Motzfeldtip aalajangiiffigisassatut siunnersuut manna saqqummiuppaa:

Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 5/2010-mik, ataani allassimatut oqaasertalimmik, Inatsisartut tapersiinissaannik Inatsisartut aalajangiiffigisassaattut siunnersuut.:

Nunat Avannarliit Killiit Siunnersuisoqatigiiffiata Islandip radio, RÚV, Kalaallit Nunaata Radiua, KNR Savalimmiullu radio, ÚF kaammattorpaat suleqatigiinnertik annertusaqqullugu nukittorsaqqullugulu, nunat pingasut akornanni sanilerisanit nutaarsiassanik ullutsinnilu pisunik aallakaatassianik amerlanerusunik aallakaatitsisoqarsinnaalersillugu. Assersuutigalugu tamanna pisinnaavoq sapaatip akunnikkaartumik qaammatikkaartumilluunniit nunanit allanit nutaarsiassatut suliarisimasat ilaasa aalajangersimasut atorneqartarnissaannik isumaqatigiissuteqarnikkut. Malugeqquneqarpoq taamatut suleqatigiinnerit arlaannaannulluunniit aningaasartuuterpassuarnik kinguneqarta-riaqanngimmata, tamatumani aallakaatitassianik nammineq suliareriikkanik paarlaasseqati-giittarneq pineqassamat.

Nassuiaat

Nunani avannarlerni killerni TV-kkut radiukkullu aallakaatitsisarfiit naalagaaffimmit aqunneqartut tamarmik annerusumik minnerusumilluunniit nutaarsiassanik aallakaatitassiorput. Taamatuttaaq aamma ilaatigut isiginnaagassianik nangeqattaartunik tv-mullu immikkut filmilianik nunani pineqartuni suliaqartoqartarpoq. Nunani avannarlerni killerni paasissutissanik siammarteriviit pineqartut suleqatigiissinnaareerput asersuutigalugu imminnut atorsinnaasarlutik nunanit pineqartunit allanit nutaarsiassatut aallakaatitassioraangamik.

Nunat avannarliit killiit pineqartut imminnut sanileriipput kulturikkullu sakkortuunik attaveqaa-teqarlutik. Nunat akornanni niueqatigiinneq takornarniartarnerlu annertuvoq, taamatullu aamma nunat pineqartut qangali ataatsimut oqaluttuarisaaneqarput kulturikkullu ataatsimooruterpassuaqarlutik. Nunat akornanni suleqatigiinneq taamatullu aamma nunani avannarlerni killerne nunanut allanut soqutiginninneq aamma annertusiartorput. Taamaalilluni kaammattuutit aalajangersagaq manna nunat sanilerisat pillugit ilisimasaqarnerulernermik malitseqaannarani aamma nunani ataasiakkaani nutaarsiassanik pigineqareersunik pisariaqartitsinermik ujartuinermillu naammassinnissagalu-arpoq.

Erseqqissarneqassaaq Nunat Avannarliit Killiit Siunnersuisoqatigiiffiata naatsorsuutiginnimmagu siunnersuut aningaasartuutit annertuunik malitseqassasoq. Aningaasartuutit eqqarsaatigalugit amelagisassaangitsunik allaffissornermut aningaasartuuteqartoqartarsinnaavoq, nutserinermut aningaasartuuteqartoqartarsinnaalluni taamatullu aamma suleqatigiinnerup pilersinneqarnerani aningaasartuuteqartoqarsinnaalluni. Sipaarutaasinnaasut ilaattut taaneqarsinnaavoq taamaaliornikkut aallakaatitassianik pisisarnermut aningaasartuutit annikinnerulissammata.

Siunnersuisoqatigiit kaammattuutigaat nunani avannarlerni killerni aallakaatitsisarfiit naalagaaffin-nit aqunneqartut sapinngisamik sanilerisanit TV-kkut aallaakaatitassiat sapinngissamik annertuner-paamik nunani allani isiginnaarneqarsinnaatilertariaqaraat.

Siunnersuisoqatigiit ilanngullugu takorloorpaat ungasinnerusoq isigalugu aallakaatitsisarfiit pineqartut akornanni aamma suleqatigiinnermik pilersitsisoqarsinnaasoq assersuutigalugu nangeqattaartunik tv-kkut isiginnaagassiorneq eqqarsaatigalugu.